




Bosna i Hercegovina
Босна и Херцеговина
Regulatorna agencija za komunikacije
Регулаторна агенција за комуникације



Broj: 06-29-292-2/09

Sarajevo, 16.02.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23.02.2009			
Organizaciona jedinica	Klasifikaciona oznaka	Redni broj	Broj priloga
02-50-1-		16-24/09	

Bosna i Hercegovina
Parlamentarna skupština BiH
Dom naroda
mr.sc.Rudo Vidović, izaslanik

Predmet: Odgovor na izaslaničko pitanje

U vezi sa Vašim pitanjem, postavljenim na 24. sjednici Doma naroda Parlamentarne skupštine Bosne i Hercegovine, održanoj 29. 01. 2009. godine, „**Kada će se osloboditi frekventni spektar predviđen za WiMAX usluge, a koji trenutno koristi Javni RTV sustav BiH**“, obavještavamo Vas o sljedećem:

Iz postavljenog pitanja jasna je Vaša upućenost u svu složenost situacije vezane za nemogućnost uvođenja novih tehnologija na tržište telekomunikacija u BiH, a kao posljedice korištenja zastarjele prenosne i emisione opreme JRTV sistema u BiH.

Dolazeći do istih zaključaka koji su navedeni kao uvod za Vaše pitanje, Vijeće Agencije se u periodu 2006. – 2008.g. više puta obraćalo JRTV sistemu BiH i institucijama osnivača JRTV sistema BiH, Vijeću ministara, Predsjedništvu i Parlamentu BiH, ukazujući na ovaj problem koji je, unatoč tome, i dalje ostao neriješen.

Vijeće Regulatorne agencije za komunikacije je, između ostalog, 2008. godine sugeriralo Vijeću ministara BiH poduzimanje konkretnih koraka u vidu izdvajanja sredstava iz viška prihoda ostvarenih u prošloj godini koja bi bila usmjerena u razvitak sektora komunikacija za nabavku dijela opreme za JRTV sistem BiH, čime bi se omogućilo napuštanje zauzetih frekvencija i funkcioniranje na frekvencijama koje su predviđene za rad JRTV sistema BiH.

Pored navedenog, radom u radnim grupama i komisijama Vijeća ministara BiH, predstavnici Agencije su sudjelovali u izradama analiza i prijedloga mogućih rješenja digitalizacije prijenosnog sistema JRTV sustava BiH. Vijeće ministara BiH je na 75. sjednici, održanoj 05.02.2009. godine usvojilo izvještaj, te donijelo i konkretna zaduženja za realizaciju Projekta digitalizacije prenosnog sistema Javnog RTV sistema Bosne i Hercegovine.

Od dinamike realizacije zaključaka Vijeća ministara BiH vezanih za realizaciju Projekta digitalizacije prenosnog sistema Javnog RTV sistema Bosne i Hercegovine zavisi kada će se osloboditi radiofrekvencijski spektar predviđen za WiMAX usluge u Bosni i Hercegovini.

S poštovanjem,


Ruководilac Sektora za odnose sa javnošću
Amela Odobašić
Amela Odobašić

PRILOG:

Dostavljeno:

-naslovu

-arhiva